



Secretarius Regni Maior

Tortowski, J. B. *Laurea theologiae-gentilium*
Roris innixa?

PANEG. et VITAE
Polon. Fol.
Ms. 1396.

LAUREA ^{946.}
THEOLOGICA

CELISSIMÆ & ILLUSTRISSIMÆ DOMVS

Gentilitijs ROSIS

INNEXA.

& emerito Capiti

ILLVSTRISSIMI & REVERENDISSIMI DOMINI,

D. CHRISTOPHORI

IN SŁUPOW

SZEMBEEK,

SECRETARIJ Majoris Regni, CANONICI

Cracoviensis, IVDICIS Deputati ad Regni Tribunal:

dum in Alma Vniversitate Cracoviensi

MAGNIFICO PERILLVSTRI & REVERENDISSIMO DOMINO,

M. PETRO PRACZLEWIC,

S.Th: Doct: & Professore CANONICO Crac: &c. &c.

Studij Almæ Vniversitatis Cracoviensis Procancellario,

& RECTORE Vigilantissimo,

cum omnium plausu & voto

Doctor Sacræ Theologiæ

renuntiaretur

IMPOSITA.

demum à

M. SEBASTIANO TORTOWSKI,

Ph: Doct: Collegæ Minore, Curato Opatoyecensi, Historiographo Regio,

cultu Panegyrico

REPRÆSENTATA.

Anno Domini 1711. Die 2. Maji.

CRACOVIAE, Typis UNIVERSITATIS.

IN STEMMATA
 CELSISSIMÆ ILLUSTRISSIMÆ
 DOMVS.

947



22102 III



*Ambitio caras Regum mirare Coronas,
 Ostentaq; Tuas save Gradive comas?
 Sic decernit Honor Sapiens; nil pulchrius unquam
 Est; quàm SZEMBECHIS Laurea nexa ROSIS.*



Tat eminentior Tuo Capiti imposi-
ta Theologica Laurea; vernat pa-
trij intertexta ROSIS florentior.
Illustrissime SECRETARIE Regni.
Veluti contenderes ex æquo cum
honoribus: adijcis vel ipsis deco-
ribus, decora; à quibus multi am-
biunt, Nomini suo emendicare ornamenta. Cur
enim Te moverent fastigia? cur fulgor? cur plau-
sus? cum se gloria Domûs ultra culmina provehat,
cum solem æmuletur radijs, & in omnium ore, in-
singulorum vivat admiratione. Quos petis apices, Te
minores serpunt. Si promoves ex Celsissimæ Do-
mûs culmine passum, substernendi erunt gradus, ut
commodè ad minora descendas fastigia. Videris
præterire & relinquere culmina, ut habeas, quæ
olim ascēdas. quærere planiora, ut è minori colle de-
siderium Tui inijcias majoribus. Vident Te à suo fasti-
gio, datâ operâ, minorem, & succensent, quòd adeo
Te submittas. Quærūtur, cur ingentes spes non laxes?
certus omniū, fortunâ Tuâ, virtute Tua, sapiētiâ Tuâ,
honorum. Irent ultro, nec irent, currerēt, volarent,
ut in capacissimū sinum, præcipiti passu, unus supra a-
lium, vel quod omnibus in votis, alius ante alium irru-
erent. Innue? violabunt modestiâ Tuam, vincent lau-
datissimâ pertinaciâ. Quanta nunc est Laurearū The-
ologicarū læticia! quod emeritum Caput Tuum con-
cesse-

Accesseris sibi coronandum: Volebant; (nam quis non noverat apud Te dignam laurô regnare sapientiam?) pridem Frontem Tuam Sacrâ comâ redimire. Verùm quia videbant, Te circa fulgere Tiaras, Mitras attolli, Fasces jacere, Aquilas volare, per honorum excubias, pro Tuo caro vertice, dimicantes, Tuum Caput adire reverebantur: nisi ipse remotis honorum circa Te vigilijs, totoq; titulorum, latus Tuum firmantium apparatu, non tam rejecto, quàm ducto in sacraria scientiarum, palàm, inter illa divinæ pulvinaria sapientiæ ostenderes: quomodo amares scientias: irrita fuissent publica sapientum vota. Vicisti sapientia! omnes tituli laureas Tuas hoc Capite erectas, adorant. Quoties frontem hanc petent honores, nam frustra impeterent, toties se acclinabunt Tibi, ut admittas anhelantes. Tu prior, & maturior omnibus, tanquam grandæva Mater, instrues, qui venient tituli. Sub Te purpuræ fulgebunt, Te infra fasces ferentur, ingens ponent vallum torques aurei, ut secura regnes in Capite, si Insulæ, si Mitræ venient, admittes in societatem, & reges. Quis non videt? Te ipso Illustrissime SECRE-TARIE attolli Laureas Theologicas, Tuaq; Fronte, stare eminentiorem Sapientiam.

Renovâsti priscum illum morem, è magnis Familijs ad eruditas laureas aspirantium. Possumus, tanquam in dote triumphos, illustria Ceris Nomina, inter Umbras Academicas recensere; & à Deûm stirpe, enatas sanguinis Arbores, Palladijs immistas folijs, quæsito scientiarum decore, floridiores producere. Quot patricij sanguinis profundô, ab Heroicis, & vix non fabulosis temporibus emanante, magni; impresso minoribus arenis vestigiô, solutâq; cymbâ, è Minervæ littore, in ingens pelagus honorum ena-
viga-

vigarunt! quot è Doctorum subsellijs in Senatorum
invitati Curules, gloriam Universitatis provexere? ⁹⁵⁰
Liceat in hoc apparatu Fortunæ nostræ, & gloriæ
Tuæ fulgore, (nam videbimur) post susceptas lau-
reas, Viros, in hoc Regno, summos producere.
Boni Superi! quis non novit in Polonia Magnos il-
los TECZENIOS, graves annales sunt, immortali-
bus Gentis hujus operibus. Pendebant in atrijs par-
ti de hostibus triumphi, gentes debellatæ, longa re-
censebantur serie, captiva flumina, submisso gurgi-
re in gloriam TECZENIORUM influebant; nihili
tamen æstimabantur triumphi, si inter hos, captiva
non demonstraretur inscitia; parvi fiebant trophæi,
spolijs non illustrata ignorantia. Sic inter parva
cæde, decora, olea quoq; Palladis colebatur, & san-
guini Martio mitis Musarum sudor innatabat. Pro-
ducite illustres fasti KONIECPOLSCIOS, quæ No-
mina! quos homines! Si opes spectes ditissimos, si
gloriam Majorum Illustrissimos, si amplitudinem ti-
tulorum Magnificentissimos. Potuistis vel solius Fa-
mæ subsidiò, maximis quibusq; imminere honori-
bus. Tinxissetis sanguine purpuras, de magnitudi-
ne Avorum, Atavorumq; elaborassetis gradus ad
fastigia: vos tamen relictis tantisper Majorum Atrijs
ad Stoam, Palatjis, ivistis ad Musæa. Videre erat,
inter Muricem Togas, inter clavas calamum, inter
eminentium fulgorem Nominum, Doctorum agno-
mina. Sic illo tempore excitabatur ingens gloria,
cum pulvis Scholasticus, tuncq; in Orbem maximè
Nomen promovebatur Poloniae, cum pes circini in
Academia. Ibo, nam non hîc meta est? per maxi-
ma honorum culmina. habebo vos Nomina habe-
bo, Academicæ illustria gloriæ testimonia. Appa-
res, extra Poloniae planitiem, in septicolli Roma;

9
5
1
Tuâ Purpurâ Magne HOSI, ab hac licet prorumpen-
tibus perstringor radiis: dicam tamen quod sentio:
ut bene Tibi Muricem tingeres Romanum Cardina-
lis Eminentissime, Almæ Universitati primos sudo-
res dedicâsti. Prælufisti gloriæ Tuæ in hoc ludo li-
terario, & quia nihil, post laureas susceptas, in vir-
tutem & scientiam deliquisti; imò quòd virtutem,
pietatem, scientiamq; Tuam, ultra Orbis terminos
promoveris, vocatus es ad Rotam, Orbem hono-
ris, cardinem eminentissimæ dignitatis, erat tamen
in Rota hac, ingens modestiæ Tuæ patientia, sic e-
rubescere. Excute Nidos Sarmaticos, primam in
hoc Regno Mitram adverte? en se offerunt specie
venerabiles, graves Majestate, ZBIGNEUS OLE-
SNICKI, ANDREAS ROSA Archiepiscopi Gnesnē-
ses. Et proximus Parnasso Jagellonico Vavelus,
Academicâ intumuit felicitate, cùm CESLAUM
KUROWESKI suis Infulis redimiret, Nostasq;
in illo Capite laureas, superadditis Coronis adorna-
ret. Adjice gloriæ Academicæ ANDREAM OPO-
ROVIUM Episcopum Cujaviensem, JOANNEM
LUBRANSKI & PETRUM TOMICKI Episcopos
Posnanienses: MARTINUM CROMERUM Præ-
sulem Varmiensem, quæ Nomina! Vos felices lau-
reas! quòd aditu factò ad hæc Capita, demonstrâ-
stis iter honoribus: & simul in Vos immortalem glo-
riam, ex tanto illorum apparatu, deduxistis. Non
filebo Regum ora OCIESCIOS, TOMICCIOS du-
os CUROWESCIOS. Satis illa quidem suâ voca-
lia, famâ; verum & hîc se concedunt dicendos; ut
illorum silente linguâ, vel nostrò promulgentur ca-
lamô; quòd non alibi loqui didicerint Regum arca-
na, populorum vota & desideria; nisi sub laureis,
nisi in sinu Academicæ Matris, acsi Cornelie Roma-
næ.

952.

nae. Quod in principio dicendum erat; nam inter
cunas Universitatis natum, rarum & memorandum
exemplum. Vidit natale Nominis Nostri sæculum,
PETRUM WYSZ, eundem Juris Professore, quem
& Cracoviensium Antistitem. Quid rogo sublimius
illâ fuit Cathedrâ? Senator implevit: quid sanctius?
Antistes docuit. Idem Doctor qui Judex, non tam
dictabat leges, quàm dicebat. Quos docuit, judica-
re videbatur. Si pergerent mali esse, pœnas tempe-
stivè audirent scelerum, si boni, virtutum præmia.
Ex hoc ore tanquam fonte, emerfit apud Nos Juris-
prudentia, & nullibi per Poloniam uberius manat,
quàm hîc. Ausim affirmare hunc Præsulem in No-
stri Juris Corpore Caput, nam & Pontifex erat, &
Petrus.

Cur hæc adferam miraris Illustrissime SECRETARIE
Regni, nec miraris, cui Regum Regnorumq; pa-
tent arcana: etiam & hæc à me adlata, velum cor-
tinamq; non obijciunt. Vides hæc Nomina, Viros
olim in hac Republica primos, non aliter ad sum-
ma honorum processisse fastigia; tantum prius emen-
sis hîc literarum arenis. Te quidem omnibus titulis
parem effecit divina prope Indoles, vis animi exer-
citatissima, ingenium omnium capacissimum, vigor
mentis doctissimæ, sanguinis Senatorij commendatio,
Honoris fulgor: verum Tu, licet tantarum rerum
Tibi conscius fueris, beneq; noveris flammæ pecto-
ris, olim accensaras lumina Nomini Tuo; nihilomi-
nus, illud ingenium, illum vigorem animi, doctis
submisisti laureis; tanquam nolles, solam generis ma-
gni claritudinem, in honorum ducere fastigia, nisi
haberet in comitatu insignem laureis sapientiam.
Quod immortale Tuum opus, fastis inscriptum eru-
ditorum, non solum Nostris deprædicandum su-

953.
ſcepimus annis; verum crede Nobis, crede virtuti
Tuæ, nulla ætas facti hujus glorioſiſſimi lucem ob-
ſcurabit. Te omnes appetent Honores, Te omnes
ambient tituli, ſub umbra laureati Capitis, ſua de-
poſituri ſecurè lumina. Facies cæleſtes dignitates
Theologus, docebis omnes, ut rectè agant Doctor,
erisq; norma omnium, cum geres. Quos tanges
faſces divini erunt, quas geres Infulas, inferes Supe-
ris, quas implebis Mitras, cælo impleri videbuntur,
non tamq; micare gemmis; quàm ſtellis, nec tam
nativo fulgore, quàm Superum ſerenitate.

Par geris ingenium quibusq; culminibus. non po-
teſt Te excedere magnitudo cui par es, nec à Te
ſubmoveri, qui intra Te, omnem, in obſequium ſci-
entiæ Tuæ, tenes eminentiam. Si cupiet ſubmove-
ri, Te ſimul tollet, ſic frænas, ſic detines! ſi volue-
ris ut abeat, manu miſſa dignitas, inflectet faſtigium.
Viſ ſapientiæ incuſſit titulis reverentiam, exulta
virtus cultum, Honoris amplitudo facit, ne ſuos ter-
minos excedant. Tenentur multis nominibus, ipſa
Nomina, ſtat pro obice virtus, merita vallum eri-
gunt; niſi modestia laxaret viam; nunquam abirent.
Meruiſtis Magni SZEMBECIJ eam felicitatem? Ille
ſæculis continuatus labor, omnium ætatum Gentis
Vestræ opera, agebant pulcherrimis conatibus, ut
fugax Numen Fortuna, nexu ingentium comprehen-
ſa meritorum, veſtris liminibus accubaret. Quis ef-
fugeret, non invenio. Per orbem diſpoſuiſtis facta,
facile ſe involvit Rota, oppoſuiſtis magnitudinem
Vestram, perrumpere non potuit, ſoliditatem, con-
ſtantiã virtutum; debuit incauta, amo jam cæci-
tatem fortunæ! impingere. Bene eſt, quod non evi-
tavit caſſes, quos virtus nexuit, modestia poſuit, pi-
etas explicuit. Multa, ut caperetur invitamenta ha-
buit;

buit; longam meritorum seriem, amota à Cæsari⁹⁵⁴
bus pericula, pro Regibus effusum sanguinem, pro
Republica susceptos labores, pro Ecclesia bella su-
stentata. Orbis potuit hac mercede parari!

Qui sudores! quæ gesta! quæ merita! Ostēta vir-
tutem modò, ipse sanguis pinget Purpuram, exerce
vires, domesticus Mars loricam induet, aspira ad sa-
pientiam, laureas, Infulas, fascēs tenebis. Miscet e-
nim utrumq; Illustrissima Gens, affundit sanguini Ma-
jorum sudores proprios, ut altius enaviget, addit
magnitudini elaboratos immortalibus factis gradus,
ut sublimius ascendat. Vidisti Illustrissime SECRE-
TARIE Regni, Majores Tuos Martialibus redimitos
laureis, Purpuris fulgentes, fascibus graves, verum
simul & honorum ornamentis, adiecta quoq; ma-
gnorum laborū miracula; & placebat ab his descen-
disse. Sic cū acta horum legeres, virtutes adver-
teres, simul Te quoq; illorum exemplis, ad decora
excitabas. Vix gradum, reptans per scuta & lau-
reas, firmare potuisti, ac si prius nosse literas, an-
tequam nascereris, molestissima artium rudimenta,
lulus Tibi fuerant. Inter Musas natus videbaris, o-
mnia literarum arcana, omnes docti recessus, aper-
ti, capacissimo ingenio patebant. O quantum stu-
poris Academicis incussisti arenis! cū annis tene-
rior, altiore omnibus maturioribus præferres eru-
ditionem. Sic sub Regali Magni Jagellonis mani-
pulo, bonam literarum colligebas frugem, ut messem
honorum quisq; Tibi opimam promitteret. Quam
gestiret Academica felicitas, si exorsus eruditionis
telam, usq; hīc ad sacras purpuras perfecisses; verum
Tu, nè magnæ virtutis vestigia, uni solo manerent
tantum impressa, in totius Europæ admirationem
ingenii vires divisisti. Gratulatur sibi, Tuæq; indoli,

quod jactis in patrio illoq; Regali Lycæo, literarum fundamentis, & fere erecto in magna mente Palatio Eloquentiæ, talem Te intuleris exterae diligentiae, ut Orbis ex eruditione Tua facile colligere potuerit, esse & in Polonia Chyrones, qui Achilles sciant, ad famam, ad gloriam, ad subsidia Patriæ bene salubriterq; instruere. Irruisti itaq; relictis amænissimis Tullii fluminibus, in perplexos Aristotelæi Eurippi vortices, nunquam passus naufragium, felicibus auspiciis, ad fortunata Philosophicæ scientiæ, non sine celestimate, littora enatasti. Spinis Logicis Tu acutior, vocalior ipsius Philosophi organis, tantum famæ inspirasti vocis, tantum spiritus eruditioni, ut illa Te loqui, hæc Te animari videretur.

Sic per pulcherrima literarum exercitamenta ingentes ducens animos, exterae ostendebas diligentiae; quid Polona valeant ingenia? Nulla se obtulit difficultas, quam Tu facilem non redderes, nulli recessus ostentabant, quos aviditate sciendi non penetrasses. Obscura illustria Tibi erant, velata detecta, ambigua certa, sublimia plana, investigabilia pene sub oculis. Omnia scire debueras, omnia callere CHRISTOPHORE, in manu tenebas, non tam arborem Porphyrii, quam scientiæ. Profunditatem Euryppei habuisti, quomodo metireris; volubilitatem, quomodo silteres; æstum, quo temperares. Altitudo Arboris excedebat docti profunditatem fluminis, ac magis mens Tua. Volubilitas frangebatur soliditate scientiæ, æstus illustri umbrâ foliorum arcebatur. Tuâ fecisti scientiam, sub unâq; Arborem, totum convocasti Academum. Quidquid docti Græcia, quidquid Latium eruditi conspexerat, in hac Arbore potuit adverti. Jam inter nitentes frondium Comas, divini radiabat vultus Platonis, iam Summi Aristotelis

956

telis magnitudo, par sibi culmen invenit, jam Aquinatis mens Angelica, his folijs bene imprimebatur. Mensuram scientiæ Tuæ demonstrabat Arbor CHRISTOPHORI, & quàm latè dispersit frondes; tam latè Nomen Tuum promovebat. Scimus Sacras Dijs fuisse Arbores: Oleam Palladi, quercum Jovi; crede tamen facilè Deos suas Arbores abiecturos, si Tuâ potirentur. O quot ferax Deorum, fabulosum illud apud Pòetas cælum, Mercurios ex hac Arbore excidisset! Parcite Superi, si negamus: trophæum stabit triumphatæ magnis conatibus inscitæ. Ex hac Arbore pendeunt Palladis honores, eruditi tituli, parta virtutibus Nomina. Præterea SECRETARIO Regni opus est Arbore, si non fatidica auditur, faciet ille premens Regum arcana, aut promens in publicum tanquam oracula, salutaria Regnis, populisq; edicta, Dodonæam.

Excessisti mentis magnitudine terminos scientiarum, nec teneri major poteras. Tota Europa patebat, Roma Orbis Caput provocabat, tantum ingenium. Et placuit Romam adire, in una Urbe totum Orbem videre, & à toto Orbe videri. Quare reliquisti Germaniam, relicta pro vade Nominis Tui admiratione, trahereq; videbaris, omnium animos, Tuis innexos virtutibus. Abire non potuisti totus, hîc in meritorum, hîc in studiorum superstes memoriâ. Tenebant Te, qui mirabantur, ægrè manibus dilabebare, qui animos insedisti. Infixus omnium cogitationibus, nec loco, nec cælo dividi videbaris. Sic absens, vultu & indole oculos, sic docta Lycæa erudita voce, implebas! Magnam umbram in illo ortu gloriæ Tuæ, sidus ingens, jecisti, etiam ab Italiæ terris potuisti vel totam Germaniam occupare. Verum umbræ istæ illustres erant, & venturi omina

meridici, appendices non tam corporis, quàm luminis, quales sibi, ipse sol optaret, quales omnia astra cuperent per cælorum vias, ut essent clariora describere. Quid clariùs Te? quid illustriùs Italia? quid Roma? potuit conspiciere. Generis claritudo, divinæ fulgor Indolis, scientiarum lumina, latè circa Te, diem spargebant. Videri poteras Tuis illustris radijs, sub alieno sole, qui licèt vehementissimus in illis terris ardeat; tamen copiosæ lucis exuberantiâ, tuorum luminum aciem non obruit. Omnium convertisti in Te oculos: sidus eras de polo nostro, novum, & dignum observatu! Movisti Cardinalium amorem, eminentissima Nomina, ipso Indolis Tuæ occursum flectebantur in admirationem. Quisq; optimorum, quisq; illustrium, in Te defigere oculos, explorare animum, stupere loquentis voces, sensa pensare, mentis profunditatem metiri in verbis, admirari ingenium, maxima de Te concipere, & hæc ominari, quæ habes, & quæ es habiturus. Colligere quisq; facilè poterat, ex modestissimæ frontis supercilio, ex summa in Divos pietate, ex intimo in sacras literas ardore, qualem Te futuris temporibus, publica Regnorum felicitas conspectura sit. Non enim inani deditus curiositati, ingens antiquæ Romæ cadaver, refodiebas è ruderibus, non superborum marmorum fastus sui lugentium in cineribus insolentiam, fugaces vestigabas apices, non arcus triumphales, non colossorum superbiam, obeliscorum fastum, à situ & squallore deterfam, admirationi publicæ, in pagina, consignabas. Inter talium frustra lapidum, rarò integritas consistit mentis, & sæpe candor animi, sepultæ pulveribus eruditionis inspersus, minus se excultum conspexit. Quot, cùm antiqua Deorum excuterent delubra, turpesq; & dignas orco investiga-

958.
stigarent Idolorum imagines, priscæ & paganæ impietatis in animum umbras induxere. Liceat exclamare: ô malè partam, è prostratæ magnificentiæ cadaveribus cruditionem! Tu aliter Te gerebas in Urbe, calcâsti squallentem, inter ruinas veteris Romæ superstitionem, & vel ipsis ruderibus calcatæ impietatis, altiùs Te erigebas in Christianæ officia pictatis. Divorum spectare Heroum pugnas, monumenta conflictuum inspicere, cognoscere virtutum exempla, mirari majora hominum viribus facta, illaq; pio in pectore defigere, Tuum erat. Quàm Tu ad omnes effus⁹ aras, aris dignus efficiebaris, per omnesq; agones sanguine nostrorum Heroum purpureos, colligens virtutum nutrimenta, pietatis sumebas incrementum. Ut arsissti, ut calebas, cum sacris cineribus, vel dabas oculos, vel religioso ore, exuvias Divûm delibabas. Nihil Tibi optabiliùs fuerat, quàm sic propter cælum diminui. Omnibus fastigijs nuntium remisisses, si liceret, tam parva athomo concludi. O ingentes affectus, in tam exiguo pulvere excitatos! Hoc est Romæ esse, Romam videre, hoc res externas noscere. Alius mente pusio, montes mihi narrat, alius effusus in omnem licentiam, fluminum errores, alius nullibi incola, Urbium venustatem, alius perstrictus rerum apparatu, columnarum ordine, statuarum elegantia, in illa fere admiratione, propior statuae, quàm homini, Palatiorum maiestatem. Parum egisti misera curiositas, & prope nihil, si tantum terrarum spatia, fluviorum ortus & progressus, docta lapidum vulnera mirabaris. Sæpe horum saucius adspectu animus, bonam mentem ad studia pietatis, lapidum sceleratorum obrutam cumulis sepeliit, aut ægrè magnis conatibus, revolutis saxorum ponderibus, tanquam de tumulo, in lucem

eduxit meliorem. Narra miracula virtutum, non operum; colores pietatis, non artificiosas ardentium Cypriam flammam imaginum, umbras; scientiarum arcana, non obscura fabulantium somnia; ingentem bene salubriterque peragrati orbis laudem reportabis. Tu hæc inquieti blandimenta animi, fugacia male sibi mentis consciæ gaudia, securus virtutum Tuarum, rectique tenax propositi, & oculo & mente integerimis, cum nunquam dignareris, effinxisti in animo Tuo, pulcherrimam, & qualem tantum cælum habet, sapientiam. Remotis enim oculorum illecebris, clausus intra mentis profundissimæ sacraria, cum DEO Superisque tantum agitare consilia videbare. Quare non senescentis ruinæ orbis, aut nova effusio Regum Regnorumque ærario molimina, à Te audiuntur; verum solida Divinæ Sapientiæ mysteria. Sub vario peregrinabaris cælo, nunquam tamen à cælo. Noveras ubique DEUM occurrere, in illum ibas, ad illum nitebaris. Orbis Tibi liber erat, legebas in illo opera Divinitatis, & DEUM ubique inscriptum vidisti. Montes assurgebant, Tu Divinæ altitudinem Sapientiæ metiri, Maria diffundebantur, Tu profunditatem, explicabantur ridentes floribus campi, Tu pulchritudinem Numinis perspicere, in his naturæ involucris contendebas. Summam Aquinatis gravis Te ipso menti ferebas inscriptam, solemque non alium spectare videbaris, tantum Augustini. Nota Tibi Italia est, nota Gallia, sed nihil cælo notius. Agnovisti vicinam, & quasi suburbium fiderum Romam, dum in illa bene optimeque perspexeris, quid in cælo ageretur.

His rerum humanarum divinarumque instructus apprimè exereitamentis, grave scientijs ferebas Caput: illud ambire honores poscere tituli. Curant, quis non sen-

960
sentiat? vel ipsi Honores, ut ad se in Patria Curuli,
etiam vehatur scientia; & inter Atavorum Ceras lu-
cem videât ingenij. Erudito enim pallore dilutus ma-
gni sanguinis rubor, gratius nitet, & lumina Generis,
clarius inter noctes Atticas videtur. Utroq; Tu felix:
nascendi sortem evexisti scientiarum decoribus: sic
illa in omnium oculos, vota, desideria incurrit, quia
utroq; eminebat. Illam, postquam minores hono-
rum colles, se majorem adverterint; summi, nam-
his par eminebat, ad sua culmina, invitârunt. Va-
velus mons, non tam cumulò aggestæ telluris; quâ
superposita honorum mole altissimus, pronum sub-
misit cacumen, premeres. Sensit, ut ascendisti, Tuum
hoc est SZEMBECIANUM vestigium. Circa Ca-
put enim suum, vernare ROSAS, flores explicari,
ver desideratissimum erumpere advertens; suam, non
invidit Hymetto, non Hyblæ amœnitatem. Ex hoc
culmine ostensus Regno omnium honorum oculos,
& cum oculis vota rapuisti. Quisq; ambire, quisq;
spectare, nec spectare, habere cupiebat. Aperta e-
rant omnium vota, claræ voces: iste potitus est Te
SECRETARIE Illustrissime, qui Regum tenet arcana.
Tacebat muneris sui conscius, nec potuit, explicare
vota sua; nè coram Te loquax, proditor arcanorum
argueretur. Debit, cùm omnes tituli, nimis se ex-
plicarent, & pene effunderent, solus tacere à secre-
tis. Collegisti, omnium animos, ingeniumq; ex-
plorando honorum, ex compositæ in silentium di-
gnitatis modestiâ, bene Tibi Sapientissimo conveni-
re, cum Honore profrente sententiam Pythagoræ.
Itaq; commisisti Te illi, hoc est sociâsti Tua, cum
illius arcanis, & majus secretum est, quia compo-
situm. Unum alteri velum obijcit, & secretius est,
quidquid ipsum tegit secretum. Bono factum dico

omine, quòd Tu Sapientissimus Regum admotus arcanis, sis ea sub Patria servaturus ROSA, quæ in populorum salutem statuuntur. Securè poterunt apud Te deponi Regnorum, Regisq; effata, apud quem, jam plenum est pectus cælestium. Fient salutaria omnibus, inter divinorum momenta arcanorum; habebunt pondus, quibus tota Divinitas, nota Tibi studijs Theologicis, cum suis incumbet argumentis. Nulli mortalium nocere poterunt: damna rerum, ab integerrima mente exulabunt, nihil mali nociviq; contrahent, inter sacras admissa cogitationes. In sacrario deponentur, dum Tibi communicabuntur: aut, quidquid dicetur, à communi semovendum arbitrio, apud Te sacris operantem, erit secreta Oratio. Quid? si in publicum depromes, longò silentiò, & pertinacissima taciturnitate detenta oracula; quantò studiò, aures contendent mortalium, ut audiant. gemmas appendi sibi putabunt, uniones circa Caput pluere. Pretia loqueris, aurum scribes. Omnia erunt arcana, omnes mirabuntur, tanquam pro Te oracula Deum loquerentur, aut Tu pro Oraculis perorares; quod certè facies: nam Reges Numina terrarum coluntur. Quisq; opes verborum, sententiarum lumina, intra pectoris servabit penetralia, ut appareat à Secretario hæc emanasse. Instrues verba, cum premes silentiò; sententiæ verò, tanquam in arena aut Lycæo commissæ in velitationem, totâ rationum acie, ruent in vicem, & hæc in publicum proferetur, quæ victoriam obtinebit. Victrici sententiâ vinces mortalium animos, triumphabis pectora, omnium amores, trahes Hercules. Hic acclamabit, imponenti finem dictioni; ille, nè magnarum cogitationum arcana, suo excepta pectore, vox repentina exturbet, in silentio re-

962
volvēt, usui, continuæ admirationi relicta, confer-
vabit. His Tu præludijs, ingens facies majoribus
desiderium Tui honoribus. Accedet cum rubore
quæquæ purpura, nè ruborem contemptu incutias; o-
mnia fastigia, demisso ad Te properabunt vertice,
Tuis immortalibus operibus surrectura. Feres, de
omnibus titulis sententiam: gaudebit, qui Te poti-
etur, æstuabit invidiâ, quem vacuum votis, aut sum-
mâ votorum, Te ipso dimittes.

Hic ipse Honor Theologicus, scientiæ Tuæ testis,
diu multumq; angebatur, quòd eminens Sapientiâ
Caput, ægrè suis laureis committeres. Jam volue-
rat Divinior Pallas, inferre magnificis Domûs posti-
bus, eruditas frondes, jam Tuæ fronti innectere do-
ctarum præmia frontium, toties Te, quid de Tua sci-
entia sentiret, tacito nutu admonuit; quid vitares
Academiæ titulos? sapientum insignia, testimo-
nia impensorum sapientiæ usibus annorum, ad quæ
magna etiam Nomina, non sine quodam ambitu,
accedunt. Annuisti votis Sapientiæ, ivisti ingen-
ti gradu, cum magno scientiarum, eruditionis ap-
paratu, plenus Philosophicorum Theologicorumq;
arcanorum, cælum mente, & quidquid sidera
tegunt, quidquid intra mortalium ingenia agitatur,
acsi alter Atlas ferens, ostensurus in illo sapientiæ sa-
crario Te, non tantum in Regnis, at etiam & apud
Superos esse à secretis. Visus es ideò tantum ter-
ris concedi, ut ignota mortalium animis referres ar-
cana. Qui totius Academiæ plausus! quæ lætitia!
cùm laureis emeritum Caput adornares. audiebantur
multorum voces: In nullo vertice, dignius re-
cubuit Laurea, quàm in isto. Aliorum meta habebatur,
honor iste: hic honores sapientiæ altioribus
titulis coronabit. Non coronis votorum est, Co-

963
rona hæc. Capax videmus Caput, post laureas, post
Infulas, inveniet fortuna Mitris, Galerisq; locum.
Cælum attingit sapientiâ, DEUM mente comple-
xus, plus tenet, quam potest sperare. His sacri pro-
vocantur tituli. honorum illicia scientiæ. Recipiet
certè in illo sapientia, fortunæ cultum, famulam
habebit, quamcunq; sortem voluerit. Insultans sæ-
pius scientijs Numen, arbitriò hujus premetur. Sen-
tiet irata Palladi Dea, pro admissis in se piaculis,
justissimas pœnas. O utinam annulus, quem induit,
æternitatem donet Nomini; ferat auspicia, ut
aliquando suus sit Alexandro Ephestio. Nec in-
gemma sphynx, aut quadriga, vel tantum longæ spei
anchora, at Regnorum incidantur Aquilæ. Imple-
at fastos, faciat graves meritis annales, nec tantum
hoc sibi volumine tradito famam mereatur: verum
omnium Bibliothecarum Incola, posteritatis oculos
in sui ducat memoriam. Communicet se scriben-
dum, tegat Regum arcana, suarum non sit tenax
virtutum. Nè fata ipsum, ut nuper cum dolore no-
strum omnium FRATREM ILLUSTRISSIMUM repenti-
no involvant funere. Non opus, ut tam citò ad hos
recessus, loca abdita, descendant oracula. Ingens fu-
isset jactura, quanquam est, nisi pro Castore Pollux
publicæ felicitatis in solatia successisset. Vulnus sæ-
culorum, hæc sola obduxit cicatrix. Corruptere
videmur lætitiâ commemoratione acerbissimi do-
loris. Magna gaudia suis novimus plausibus lacry-
mas immiscere. O diem nobis lætissimum! saluta-
rem Academico Nomini, dignum albò calculò, vel
hac gemmâ, quâ communem cum sole diem, Do-
ctor Illustrissimus accendit.

His vocibus, hoc plausu, cum creareris, non de
nihilo meritorum Doctor, ad famam evehctus pu-
blicam,

964
blicam, non tam novis implebis Domus Cellissimæ
amplitudinem titulis, quam antiquæ, vigentiq; con-
tinuò, illius Sapientiae accedes testis locupletissimus.
Ingens mihi panditur enavigandum pelagus, si vo-
lo, per omnes ætates, Sapientiae Vestrae Proceres,
Illustrissimi SZEMBECIJ producere. Intellet
quisq; omnes, ex uno Stemmate, agnoscat sub RO-
SIS Athenas, vel in uno Cornu properantium ad
summa CAPRARUM, omnium scientiarum abundan-
tiam. Nam ubi florentior esse potest Sapientia, quam
sub ROSARUM amœnitate. Parnasso Musæ insi-
dent, inter vernantes nemorum frondes, inter fon-
tium floribus investitorum lætitiâ, sua opera mo-
liuntur. Sæpe, ut ingenio sua adsit hilaritas, acu-
men præsentius inhæreat, Rosas Capiti inserunt
Coronas. Inditur enim menti quidam vigor, a ver-
nantium Florum blando rore; loquuntur cælestem
sapientiam, hiantibus labellis, & quæ lingua medium
tenet, Professor est. ROSA præsertim, quali Cel-
lissima Domus SZEMBECIORUM floret, omnes
in suis folijs scientias describit. Patent omnes in-
explicito, Regno, Ecclesiæ, honoribus Flore. Ve-
niunt omnes, singuli accipiunt, tanquam de tripode
oracula. Sub hac ROSA Regna, Imperia, lon-
go ætatum tractu deponebant, quidquid secretissimi,
quidquid cautissimi, politissimiq; habebant: nec ex-
olevit arcanum hoc Imperiorum: imò rectum ac-
curatissimè, ad omnium sæculorum usus, Sapien-
tiam spirabit. Odores sagacitas, sed cautè velim,
putet se ad aras accedere, & tractare Deum myste-
ria: latent acumina sub amœnitate florum; tunc
tantum exerenda, cum opus, quod sapientiae est. Ideo
olim Numinum tegebantur Aræ; & impenetrabiles
recessus, maximorum conscij habebantur arcanorū.

Ambages responſorum, erant tanquàm tela ſub RO-
 S A. Quod patet, patet in Patriæ commoda, &
 in uſum boni communis; quod latet, latet in de-
 trimentum jurati Patriæ hoſtis. Conduntur acu-
 mina ad feriendum hoſtem, tanquam in inſidijs col-
 locata, quanquam & apertè, ſi congregietur, expe-
 dita ad iectum: latent illa Patriam, quam nunquam
 pupugere. Tantum ſecretum ipſi nòrunt SZEM-
 BECIJ & Sapientiſſimi ſunt. Servant ſub ROSA
 ingentem Sapientiam, nec excedit nucleum Ilias.
 Inſcribit ſe omnibus folijs, nec omnia occupat, re-
 ſtant ad poſteriorum imprimenda ſibi nova ſcienti-
 arum documenta. Quodvis folium Regale eſt, prin-
 cipale, in illo tot Capita, quot Cæſares ſervati, Re-
 ges deſenſi; omnes periodos diadema, corona ter-
 minat: Aquilæ, Cera, Infulæ, Purpuræ implent
 medium; & in omni folio, ingens margo honoris
 expectat Honorios.

Plura non dico, nam latent cætera ſub ROSA,
 quæ nefas tangere, trahor tamen altiùs cogitatione
 in ſtuporem Sapientiæ Veſtræ Illuſtriſſimi SZEM-
 BECIJ; cum anhelantium ad ſumma CAPRA-
 RUM, niſus, laudabilesq; conatus animo revolve.
 Hoc ego Animal ſcientiarum omnium fontem ſta-
 tuo. Si credimus Vatum ingenioſo furori canenti:
 Jovem nutritum eſſe à Capra, ab illo, mirabili, &
 qualem tantum Pòëtarum natio fingere potuit, par-
 tu Palladem, in Orbem profuſam. Notiſſimum eſt
 à Nutricibus in infantes cum lacte mores diffluere,
 indolem fingi, & alteram naturam ab alimentis fir-
 mari. Quis non ſtatuet? Jovem hujus Animalis nu-
 tritum ubere, exſuxiſſe vim quandam; quæ Numen
 illud adeò felici perfudit ſuccò, ſanguineq; informâ-
 rit; ut ſapientiſſima Deùm, hominumq; potuerit ge-
 nera-

966

nerari. Quare digna erat CAPRA cælô, digna inferri Sidus ipsum sideribus: quæ tanti boni sapientiæ inquam in suo lacte incrementa infudit. Et cùm se exuisset pellibus, redacta in lumen cæleste, omnium arcanorum conscia, in sua pelle, Diphtheram extendit, rerum Divinarum volumen capacissimum. Tenet cælorum arcana, superàm fata, sortes mortalium, rerum ordinem, & futurorum nexus eventuum. Non plura cortinæ Superàm habuere, tripodes mortalibus narravere, imò si quæ de Secreto Divinitatis suæ, mirabili verborum ambage evolverunt, prius Diphtheram, tanquam Libros Sybillinos, olim Romani consulvere. Quod si Latinus, canentium Vatum, arcana non intelligens consulta, oracula indagaturus ex Fauno, non ovium incubuisset pellibus, at CAPRARUM: nunquam volitantia miris modis simulacrâ, anxium senem diu tenuissent; verum, ut se composuisset, subito Deorum frueretur colloquio, futuriq; cum Ænea fæderis, illa nocte tædas conspexisset. Sic Gentis emblemata doctissima sunt, insignia Palladi pro Medusæ Capite, assumenda: forte alacriores ad ROSARUM amœnitatem, dulciûq; CAPRARUM cum Jove nutriméta, concurrerent mortales, & apum more, coacto agmine, ad exsugendam Sapientiam, ROSIS fortè de Elysij Campis, in nostrum Orbem translatis, avidissimè incuberent.

Non solum Gentis Stemma doctissimum intellige, quosquos hoc Sanguine censeris videbis, Sapientissimos experieris. Ponam absq; Majorum Nominibus facta, ex factis totius Gentis colligetur Sapientia: & satis dicam Nomina, cùm immortalia opera percurram. Quod Cæsarum periculis obviam iverint, terrarum Dominos, sua manu continuerint, nè cum illorum fati, orbis rueret, mirum est Sapientiæ

967 documentum. Nam in tam repentino casu, præ-
senti fuisse animo, quid fuit? nisi quum omnium
Caroli M. lapsu, mens corrueret, expeditum, ad eri-
piendum de periculo Imperatorem, habere consili-
um. Bella egisse, tanto robore; ultro laceßere pro
Patria Martem, aut ruentem insolenter cohibere, si-
cut fortitudinis, ita & Sapientiæ, vel hostium San-
guine, Gradivi in Arenis inscriptæ; legitur argumē-
tum. Curules insedisse, cum admirabili, salutariq;
Patriæ consiliorum serie, illamq; ad evolvendas dif-
ficultates, pulcherrimonectere ordine; apertissimè
omnibus ostendit Sapientissimos è Domo SZEM-
BECIA venire. Consule Astræam, nullibi æqvio-
res audies Justinianos, Consos advertes, euntis pes-
sum libertatis Statores adorabis. Fulgentes Tem-
plorum moles, Aras intuere, Constantinos; crescen-
te Divorum, munificentia SZEMBECIANA, deco-
re, Magnos veneraberis. Hæc omnia è Sapientiæ
profecta Sacrarijs, declarant Domus Cellissimæ, mi-
ram in rebus agendis prudentiam, in continuandis
solertiam, in perficiendis scientiam.

Fidem facient posterius, Nomina his tempestati-
bus, ad erigendam Patriam, terris divinitus conces-
sa; quod è Sapientissimis Majoribus deducto sangui-
ne, cum amorem derivârint in scientias, ut toti il-
lis dediti, postquam omnem succum Sapientiæ ex-
fluxerint, eam bono publico, Ecclesiæ scient com-
modare. Tolle oculos, advertes; (nam hæc ma-
gnitudo, tantum elatis luminibus, etsi fas est con-
tra tueri, videri potest) primum Poloniæ post Re-
gium diadema Caput; cui etiamsi tota moles incum-
bat Patriæ, ipsis stat eminentius, factorum oneribus.
Hæc summa votorum ipsius est, hæc consiliorum
ratio, ut prisca in Lechiam redeat securitas, eadem
fama

fama Gentis, idem honor. Vellet, si se lituum Ar^{96a}
chipræsuleum efferente, tanquam ad signum, prisco-
rum sæculorum convolarent gaudia, essentq; sub se
aureo PRINCIPE, PRIMATE, Saturni tempora. Et
quia parùm nostris profecimus armis, nullosq; feraci
olim laurearum terræ, implantavimus triumphos;
imò quidquid Patrum Avorumq; sanguine partum
fuerat, civili excidimus ferrò, aut imbelles & atto-
niti, exteris rapiendum concessimus: ostentat Patri-
as ROSAS, sortis melioris prodromum florem,
ver omnis felicitatis; ut hujus allecti dulci hilaritate,
relictò Vatinianò inter nos odiò, in mutua ruamus
cognati amoris fædera, in hoc pulcherrimo animo-
rum nexu, ea, Universo coram, iterum demonstra-
turi exempla; quæ Nepotibus stupori; nobis, hac tē-
pestate laborantibus, apud vicinas Gentes, ignomi-
niâ, decori futura sint. Vidimus spectavimus! quo
fervore boni publici, accensus, media per pericula
iverit laboranti Patriæ, Atlas Sarmaticus, manum,
humeros suppositurus. Non illum hostis minæ, non
sævientium tempestatum procellæ, non fortunarum
vitæq; jactura terruere. Fatis Poloniæ major, &
veluti arbiter, ultra minas hostium progressus, risit
inanes desudantis fortunæ vices, eò, apud totam po-
steritatem venerabilior, quòd casuræ felicitati, nun-
quam Caput inclinavit. Nunc intelligimus, quàm in-
gens fastigium Sapientiæ teneat PRINCEPS Celsis-
simus; quò prægressus omnes mortalium conatus,
& inexplicabiles imperitantium artes, fortunæ lusus,
viderit, tanquam è specula, futurum fatorum ordi-
nem; & ideò nutantibus omnibus, & desperantibus,
& fermè jam in servile obsequium labentibus, solus
in eo gradu, caute Marpesia firmior, adeò obstina-
to steterit passu, ut ruente etiam orbe, nec flecteretur,

nec concuteretur. Apparuit in publico nuper consilio Varſaviam ex tota Polonia convocato, Primatium curarum magnitudo, amolientium à Patriæ salute; quidquid sævior fortuna in nos decreverat, decreturaq; videbatur. Sed nos promptiores lingvâ, quàm manu, bene consulta, ſocordiâ, licentiâ, animisq; in contraria ſtudia, aſſuetudine mala ruentibus, continuò corrumpimus. Agis Tu PRIMAS Celiſſime, de Claro Monte cum Superis pietate admirabili, dent hanc Poloniæ felicitatem: ut bonis conſilijs, meliores ſuccedant eventus. Jam Reginam Poloniæ MARIAM, in ſuo ſolio miracula in Orbem diſpenſantem votis omnibus, & pignoribus obſtringis, dignetur favores ſuos prioribus adnumerare miraculis. Recenſes victorias hujus nobis donatas liberalitate, poſcis novas, promittisq; non alibi Poloniam trophæa poſituram; tâtum ad Claro-Montanæ Virginis plantas. Annuent Superi, virtutis Tuæ ſiduciâ ſperamus. Et jam pietas Tua facit, ut paulisper ſe mala ſubmoveant. Quæ prodigia, facta recenſendo, dixi Primatialis Sapientiæ!

Sic adorata Archipræſulea veluti in tranſcurſu Mitra, Paphenſibus Infulis ſemper votis Noſtris gratioſiſſimè faventibus ſc inſpectat Oratio. Laudarem, conatibus meis major es PRÆSUL Illuſtriſſime. Dantur ea exempla poſteritati, quæ difficilia narratu ob ſtuporem erunt. Veniunt Honores, pulſant verecunda manu januam, nec exis, ut ſuſcipias. Jam ferè ad limina Tua iter, honorum tritum veſtigijs, purpurarum rubet deſſuente ob nimium dolorem murice; Tu tanquam non videres, triumphali gradu, humano ſitu anguſtior ad Tempia, muneraq; Pontificia properans, irrumpentium ad Tua limina dignitatum caſtigas violentiam. Cùm verò
ad

ad Aras Sacris circumamictus velamentis appares, ⁹⁷⁰
tota Religio in vultu, pietas in verbis, nitor Divinus
in oculis, latè Te PRÆSULEM ostentāt. Tanquam
ad Superum pulvinaria, de siderum, non de terra-
rum venires consortio: cælestis in Te relucet Maje-
stas, & sanctitatis quædam prorumpunt lumina. Non
referam qua alacritate Provinciam Tibi commissam
administras, quot de Tuis manibus ad Sacra manu-
missi veniūt, quot Pontificij sudoris, in susceptis la-
boribus effuderis. Ad Te reclinavit Caput Astræa,
& religatis oculis, securè sub Te Judice terrarum
potest spectare innocentiam. Nihil æquiùs Magne
PRÆSUL, quàm ut Te concedas, qui petunt Ho-
noribus. Si tanti æstimas modestiam Frontis Tuæ,
provocabis, ut omnes Infulæ, juratis studijs, in invi-
tum Caput irruant. Expectamus avidi, quid ista Ho-
norum conspiratio Tecum effectura sit, infractus li-
cèt sis, ingenuè fatemur: victoriam Honoribus vo-
vemus.

Quo verborum nexu, quo laudum ambitu Illu-
strissimi CANCELLARIJ Regni complectar magni-
tudinem, adorem Sapientiam. Ingentium curarum
moles, hujus incumbit humeris, nec submovet pa-
res vel orbi ferendo lacertos. Omnium Regnorum
complexus animò negotia, excessit sui Minister. In-
sinuavit se in fatorum arbitria, & priùs advertit futu-
rarum seriem rerum; quàm fors evolvar. Occurrit
fatis, nam novit vias. Non succumbit procellis, gna-
rus, ubi tempestas sit iras positura. Summa est hæc
Sapientia, futura perspicere, & agere ante tempus,
quod in tempore agi deberet: confundere fatorum
ordinem, antevertere molimina, eludere fortis co-
natus, & per tot nexus adversorum, perrumpere ad
nunquam speratæ alijs fortunæ serenitatem. Hac

97
prudentiâ totam vult animare Patriam; explicat mē-
tem AUGUSTI, Os hac mente dignum. Innuat
quid agendum sit in decumana fluctuantis Poloniæ
tempestate? quibus ventis utendum? & ad quod lit-
tus salus Reipublicæ sit applicanda? Qui audit hæc
arcana, stupet; qui parem arcanis verborum majesta-
tem, hæret; & fere aperto ore captat Sapientiam.
Diffunditur fama Nominis per Orbem, laudantur
gloriosa in bonum commune molimina, & pene to-
tius Orbis consensus, hac, inter Scyllas adversorum
cursum tenendum vovet Poloniæ, qua SZEMBECI-
ANA ducunt auspicia, & provocant Regales Aquilæ.
Sentit mala bene Patriæ, quia non infligit; avo-
cat nè infligantur, concordēs suadet animos, ne res
Polonæ, discordiâ dilabantur. Prævidet, quid enim
non videat? si in diversa trahetur Patria, casuram.
Erigit solus, quo potest conatu, omnes modò ad-
ferrent manus, staret Polonia incolumis. Darent
Superi! ut aliquando prior Regno redderetur secu-
ritas, gloria, Majestas: crede? vel ipsius invidiæ te-
stimoniò, Tu Author, salutis Nostræ habereris: Tu
civicas Coronas, ob civeis servatos, Tu Gramine-
as, ob bella composita, Martem sopitum. Te cir-
cùm spargerentur olæ, carmina Tuis laudibus per-
streperent. Sed si istas iusta Superum Nemesis re-
petit à Nobis pænas, ut nostrò malò, & mutuâ di-
scordiâ, (nam in hac concordēs videmur) in exci-
dium Nominis Poloni ruamus, hoc piaculò res Le-
chicæ in totius posteritatis conscientiâ maximè la-
borabunt, quòd Tuis non innixæ consilijs, ipsæ, Tu
licèt tenueris, obstiteris, in exitium impellerentur. O
Superi tantos avertite casus! vel suò periculò redi-
meret ille salutem Patriæ hostia piacularis. Mallet
suas laudes, cum totius Poloniæ triumphis, plausu,
carmi-

cāminibus censerī; quā inter ruderā, tanquam
gemmas virtutes suas quæri: inter cineres sepultæ
Patriæ, conscientiam suam, nunquam factorum pæ-
nitentem, conspici. Sic mærore cōfundimus gaudia,
tanquam solem nube. Nam in hæc tempora inci-
dimus, ut laudes Magnorum dici non possint, absq;
tenerrimo orantium dolore. Sed ut optimè secu-
rèq; Phæbus inter nubes videtur, sic Magni C A N-
CELLARIJ virtus, Sapientia, inter has fatorum
tempestates.

Per tot culmina deproperans Oratio venit tan-
dem ad Mensas. Regibus instructæ feruntur epulæ,
Regna invitantur, & Magnus Regni D A P I F E R
mensæ curā Regum Regnorumq; tenet. Certè si Ma-
jestatem convivij spectes, possent vel ipsi Superi assi-
dere. Nam hîc condimenta amor in Patriam mi-
scet, dulcedinem candor animi instillat, omnem
epulis gratiam oris hilaritas conciliat. Nunquam
Ganymedes tantos in Deorum confessu meretur fa-
vores, quantos hic in Regum Regnorumq; conspe-
ctu habet. Non oportet hîc dapes inferente, quæ-
rere per elementa gustus, ille omnium arridet pala-
to. Non expectet emptas periculis Oceani epulas,
naufragio celebres cænas, quæ sita inter syrtes fercu-
la, ambitiosa fames: vellet revocare ad priscam fru-
galitatem omnes, non ignarus, aureæ Parentem li-
bertatis, auream fuisse Majorum nostrorum medio-
critatem. O mentem jucundam! & svavem Patriæ!
Fruere aliquando sensu Tuo, & auctus dulci Patris
nomine, blanda ora, oculosq; sideribus pares Natæ
Illustrissimæ, Parens longævus tuere. Legimus in ipso
exortu auspicia: illam Regis Magni, Principisq; ad
maxima Nati, admotam, ad sacrum Fontem mani-
bus, magnorum tantum, & quales votis concipim⁹,
è sinu Illustrissimæ Matris, ituram in fædera.

Merentur Homerum, quem Macedo suis gesti-
optavit Pòetam ALEXANDRI Capitanei Radólcen-
sis egregia pro Patria facta. Gerit pares animos ad
maxima in hac Republica munera obeunda; dexte-
ritatem experiuntur consilia, bella manum. Quod si
etiam Gordium nodum sors obijceret, vel gladiò rû-
peret, ut omnium malorum vis solveretur. Fasces
purpuras, & designatas emeritis frontibus Tiaras, spe-
ctandas olim ad Balthicum Mare; cortina silentij
involvo, gnarus, Numina silentiò, cum verbis non
possint, coli.

Sic inter unius Laureas Theologicas tota se impli-
cuit sæculorû gloria, omnis Illustrissimorum SZEM-
BECIORUM innexuit Sapiencia. Tu qui ad tantum
decus aspirasti, feliciq; omine Capiti Illustrissimo, im-
positis scientiarum frondibus, erexisti omnium Ho-
norum vota, Tribunalium lances, in Tui Nominis, Sa-
pientiæq; provocasti æstimationem; nulla sub laureis
fatorum sentias fulmina; imò Cælo Tuo immixtus,
omnibus fastigijs virtute Tua, votis nostris major, cum
petent tituli, ambient dignitates, Te pro commodo
Generis humani concedas poscentibus. Tene huic
pignori Sapientiæ, innexos totius Universitatis amo-
res, & vota. hocq; habeas perspectum: nullum Aca-
demix ver gratius risisse Tuo. quid enim jucundius
oculis, quid Sapientiæ potuit contingere, quàm
Laurea SZEMBECIJS ROSIS adornata?



Biblioteka Jagiellońska



stdr0021940

